



Le Grand Blue i Storsund

**Det kjem mykje fin tonnasje gjennom Storsund i ein sesong og eit nytt desidert høgdepunkt vart nådd i føremiddag då den 114 meter lange yachten Le Grand Blue kom denne vegen.**

**Etter ein stutt stopp i Rosendal gjekk ferda vidare innover fjorden med ukjent mål. Yachten er av dei største privateigde i verda.**

Eigar av den flotte båten er den russiske oljemagnaten Eugene Shvidler.

Skipet vart bygd i Bremen i Tyskland i 2000 for ein amerikansk forretningsmann, John McCaw junior, som 2 år seinare selde det til eigaren av

fotballklubben Chelsea Roman Abramovich. Han gjennomførde ein ombyggjing som mellom anna omfatta installasjon av symjebasseng på 16 fot.

Det året var yachten også innoom Rosendal. For 2 år sidan gav Abramovich båten til den noverande eigar, visstnok som gåve for hjelpe han fekk i samband med kjøpet av Chelsea, skriv Kvinnheringen. I år har Le Grand Bleu vore ofte å sjå i Nassau, Bahamas.

Yachten har gjennomgått ein ny 'grønn' reovering som mellom anna inneber oppattbruk av vatnet som er nytta. Skipet har 2 Wärtsilä-motorer på 3.600 hestekrefter.

Av Ola Matti Mathisen